

मुट्ठी भर उजियाळौ

संजय आचार्य 'वरुण'

शशधर प्रकाशन

14/161, मुक्ता प्रसाद नगर, बीकानेर



राजस्थानी भाषा, साहित्य एवं संस्कृति अकादमी
बीकानेर रै आंशिक आर्थिक सैयोग सूं प्रकाशित

२४
६/१५

© संजय आचार्य 'वरुण'
मुस्तक : मुट्ठी भर उजियाळी
सरकरण प्रथम : 2003

प्रकाशक :

शशधर प्रकाशन

14/161, मुक्ता प्रसाद नगर,
बीकानेर 334 001

आवरण : रवि शर्कर आचार्य

मूल्य : सी रुपये

मुद्रक : जनसेवी प्रिन्टर्स, दाऊजी मंदिर भवन, बीकानेर
दूरभाष : 200495

शब्द संयोजन : एस.एस. कम्प्यूटर्स, बीकानेर

‘मुट्ठी भर उजियाळो’ देख’र.....

शब्दों की ध्वनियों के अनुशासन का निर्वाह करते हुए ‘वरुण’ को पहली बार सुना तो मैं ठिठक गया था, सोचा, इस तरह कई बार ठिठकूँ, सीधे संवाद की मेरी पहल पर एक ओर पीढ़ी का अन्तराल आखड़ा हुआ तो दूसरी ओर मेरी यायावरी..... आज बोई ‘वरुण’ म्हारै सामै है, म्हने बेरी बंद मुट्ठी सँ आखरा री उजास छणीजतौ दीसै। देखतां-देखतां ई सुणन लागू- ‘ए म्हे आखर रचणिया हाथा ऊपर निपाट ऊघड़ै वी सँ पैल थे ई उजास ऊन-ठर’र एक ओळियो मांड’र बताओ के ‘मुट्ठी भर “उजियाडै” रै आखरा री रंगत कोरी सफेद झक्क है के सूरज री गायां रा सात रंग भी भळकै.....

कहावर कमतरिये री अपणाणी के आपरै आखरा रै उजास री जातरा करण री अवसर दियी, ई उजास में म्हने गांव री सून्याड़, सैर री भागम-भाग, मसीन, पुरजा तो बीस्या ई, ई मेई गांव री गंवई री परोटण भी लागी, सैर रै अबूजाड़ में नाता-गिना नै सुळजावता जतन भी धोलता सुणीज्या।

‘वरुण’ नै पैलीवार तो पोसवाळ-विद्यापीठा सँ सीख्यौडी भासा में सुणियो, आज रै दिन आचळ री छिया में सीचीजी बोली ने अरथाऊ भासा री रूप रच’र लायो है, म्हे म्हारी बाधा तो खोलई।

उजास में अधारो भोगतो अर अधारे में उजास खोजतो ‘वरुण’ आसा-पास खोजतौ खुद नै भी खोजण-पिछाण रा जतन करै ‘वो कूण है’, ‘हूँ कूण हूँ’ ‘ए-वे-सै’ न्यारा-न्यारा है’ के इकजा। उत्तर-पड़तर सोधतो ‘वरुण’ एकल सुर में अजान-झालर सुणै। सुण-सुणतौ मानखै रै धरम री पैलो अ माडै। मांडतौ-मांडतौ दीयावाती तो देखई। अठै चो आ भी मानलै के जंगळ रै गूंगे अधारे में चालाणी घीत्योड़ै बटाऊ रै हीये में घानणौ तो होसीई। आपरी जागती ‘लालटेण’ नै बुझावण में भी संको नी करै। ‘वरुण’ री आ पड़ताल सरावणजोग है के कांव रै सामै होण री आपरी डर समेट’र उजास रै झुटपटे में सामली आख्या में देख भी लै और देखाय भी दे। ए कवितावां एकल रूप में आपरी अर्थ बतावती आ तौ कैई जावै के - “म्हां आखरा में निजृपणै री पिछाण समाजू सरोकार रै लारै चालै.....” ई पाठक रै हिये भी आ बात जमै के आपरै आखै बार नै आपरै माय समोवतो ई

तो आपरै निजूपणी ने पगुन्ही, - तो ले - गगेने ई रे गेटे ई सयद
रचना-रूप धारण करै।

‘वरुण’ जिकै हेमाणी आगणी मे गेवे-सोवे भळी आपरै मायली
पुरतां ने खोलै, यठै तीन सईका एक सागै जूण रा कळाप करता दीमै।
वारी छिया तो आ आखरां मे छव-छवती लागै, वरुण नै ठा ही कैला
के आथूणी कृआं गैरा खुदै, जणी कटैई जागर पांणी स्र वारो भरीजै, ई
खातर उतार-खिचाण री मारण मोकली लागी राखणी पड़े.....अणी
सागै “आयी.....आयी....” रा सुर भी गुंज्या करै।

‘वरुण’ री दाँठ री डोर लांघा होवै, वा मिनखाजुण रे सोच
री गुफाआं मे घुणीजता-तणीजता अणूजां नै छुए ई नी, आपरै आखरा
रे वारे मे भर-भरतौ तावडे लावे, इण सारु कामना, म्हारो घणी-घणौ
हेत म्हने भरोसो है के आखरां री राग मे आपरी होवणो परोटता ‘अना
कारीगर’ ‘मुट्ठी भर “उजियाळी” मे आज रे सागै-सागै अगम भी
भाखसी

पोथी री रूप लेण मृ पेलत आ पांगां रे सिरे-पेटे री जातरा
रो मुख म्हे अवेर राख्यो है - ‘वरुण’ रे ताम्ते म्हारी ओर मृ चरैवेति.
...चरैवेति.....

- ऋषि भादानी
भरनीली घाटी, नीकनेर

म्हारी बात

आज आपरै हाथां में 'मुट्ठी भर उजियाळी' सूपतां थकां म्हनै भी हरेक सिरजक री भांत घणौ उमाव हुय रह्यौ है पण साथै साथै म्हारै मन में आ बात आ रह्यौ है के म्हें जिण अपार उजास री अडीक में ओ 'मुट्ठी भर उजियाळी' रच्यौ है वो कदे आसी भी या फगत आपां री कलम सुपना री स्याही सूं कागद सजावती रैसी। उजास या उजियाळी ही जिनगाणी री सकारात्मक पख है, इण शब्द री सबसूं मोटी विशेषता आ ही 'ज' है के ओ हिरदै में आत्मविश्वास थरपण आळी शब्द है। म्हनै लखावै के उजियाळी एक इसै विश्वास री नांव है जिकें रै दम पर एक छोटो सौ दिवली अपार अंधारै सूं सदा ई लड़ती रैवे अर हमेशा साबित करै के पहाड़ जितरै अंधारै ने मेटण साख पगत एक मुट्ठी उजियाळी घणौ है। आपां जाणां हां के जीवण रै हरेक पख में उजियाळी अर अंधारी हुवै। म्हें इण रचनावां में उजियाळी अर अंधारै ने भांत भांत री दीठ सूं देखण री कोशिश करी है। म्हनै लखावै के आपां रै वखत री हरेक क्षेत्र घोर अंधारै री चपेट में आयोड़ी है। राजनीति, शिक्षा, संस्कृति पर छायोड़ी अंधकार सूं मिनखा पणौ, नैतिकता कर्तव्य अर ईमानदारी जिराी केई चीजां ओझळ हुयगी है अर की हुवती जाय रैयी है। आपां नै आपां रै हिरदै रों अंधकार मेट'र इण जुग ने पाछी उजास सूं भरणी चाहियै। आपां मांय सूं एक एक मिनख एक एक मुट्ठी उजियाळी ले'र निकळसी तो इत्तौ उजास हुय जासी के विकराळ सूं विकराळ अंधारै री अस्तित्व भी हिल जासी।

ओ 'मुट्ठी भर उजियाळी' संसार रै किणी भी तरै रै अपार अंधारै रै एक कतरै ने भी मेट सक्यौ तो म्हें इण रै सिरजण ने सारथक समझूला।

म्हारै मन में सिग्गण गी उजारा ग्रन्थण आळा म्हारा
 सिग्गक श्री गौरीशंकर जी आचार्य 'वरुण' म्हारा आदर्श कवि,
 आदर्श शिक्षक अर आदर्श पिता है, इण पोथी री प्रकाशन इयां री
 मार्गदर्शन अर आशीर्वाद री सुफल है अर सागै ई वडा भाई श्री
 हरीश बी.शर्मा गी भूमिका रायत म्हारै रूं भी ज्यादा मदताऊ रैयो
 है आदर् जोग श्री हरीश भादानी जी अर श्री चौंदरतन जी
 आचार्यरी हाथ भी म्हारै सिर माथे रैयो है। भाई
 श्री कुरुदीप जनसेवी जी री मैणत अर रीयोग रूं आज 'मुट्ठी भर
 उजियाली' आप री हाथां में है।

- संजय आचार्य 'वरुण'



ममतामयी माँ स्व. श्रीमती जमना देवी आचार्य रै
चरणां में सादर अश्रु सहित.....

विगत

दरसाव धारै जी री 9
महारी आधार 11
पिछाण 12
नैणां में तिरे सुपना 15
पगलिया 17
आ बीमारी नीं है 19
जिनायर 22
खुद ने देखणी 24
साथ 25
कूण है बो 27
धारी साथ 29
'कूण?' 30
क्यूं बणायी मिनख 32
आस्था 34
रघाव 35
आखर लीला 37
मुद्दी भर उजियाळी (1) 39
मुद्दी भर उजियाळी (2) 40
मुद्दी भर उजियाळी (3) 42
शिय चा शय 43
तू अर म्हें 45
तू आभी 46
आँख्यां सूं छळ्ळें 47
धारी ओळूं आय 48
मिलाण 50
आर्ट 52
सतरंगी काया 54
आफरीज्योडी पून 55
सुभाव 57

पाणी अर पत्थर 58
बदलाव 59
जूता 62
धानणो 63
कीं चितराम 64
'हटके' 66
अहिंसा 67
म्हने जायण दे 68
महारी गांव 71
गांव री रैवे 73
महारी सैर 74
खांचा 75
दिन अर रात्यां 76
पखेरु 77
घाल मुसाफिर 78
फौजी 79

दरसाव थारै जी रौ

कदे कदे
जद म्हेँ थारै
नैड़ो आय'र
म्हारी आंख्यां बन्द करूं
तो म्हनै दीसै
दरसाव थारै हिरदै रौ
इयां लागै
जाणै एक पांछी
फड़फड़ीजती
ठानीं क्यूँ छटपटायती
बिना संगती रै
बार बार खड़ौ हुय
चक्कर काटती
एक सूखै ठूठ रौ।
फेर पड़ जायती
घणी ताळ
ठूठ रै ऊपर
धूमतां धूमतां
अचाणचक
तड़ाछ खाय'र
आय पड़ै नीचै
धरती पर, अर कीं देर बाद
हुय जावै
एक दम शांत
फेर नौं काटै चक्कर
दो ठूठड़ै रै च्यारुमेर

मैं उण वखत
थारै हिरदै री दरसाव
देखणौ वन्द कर
देखण लाग जावूं
थारै मूण्डै खांनी
क्यूं के उण वखत
झरता हुवै आंरू
थारै नैणां सूं
टप...टप...टप... ।

म्हारौ आधार

जमीं पर रैय'र
वात करणो नीं जाणूं म्हें
म्हनै आछो लागै
हवा में उडणौ।
इण खातर ही
कदे खिसकै कोनी
म्हारै पगां हेठली जमीं।
म्हें ठोकर खाय'र
कदे नीं पड़ियी।
कपू के
हवा में भाटा नीं हुयै।
म्हें म्हारै पगां ने
कष्ट नीं देवूं
हवा घलावै म्हनै
हवा उडावै म्हनै
इण खातर
थकणै अर थमणै री तो
वात ही कठै आवै।
म्हें हवा में उडू, पण
फेर भी म्हें
आधार हीन कोनी
कपू के
जिण हवा में म्हें उडू
उण री जड़ां
समायोड़ी है
इण जमीं में घणी ऊंडी
ठेठ मांय।

पिछाण

मैं थने
को भी नाम देवणों
ठीक नीं समझूं
क्यों के
तू आज खड़ी है
म्हारै सामीं
एक अणवूझी आडी बणैर।
म्हने इचरज है के
मैं क्यूं नीं सोघ पायी
अघार ताई
थारी उत्तर।
जद कदे लागे है म्हने
के अवै तो
म्हें थारै नैड़ो हूं
तो निजर आवै
थारै अर म्हारै बिचाळै
एक लाम्यो फासली।
म्हारी अणवूझी आडी!
ज्यूं-ज्यूं
मैं थने सुळझाऊं
तू है के
और उळझती जावै।
पैला मैं
कांच सामीं

जावण सूं डरतौ
 आज भी घवराऊं
 पण अवै
 खुद ने देखूं
 कांच में नीं
 थारी आख्यां में।
 तू काई है?
 मैं तो क्या
 तू खुद भी नीं जाणें।
 मैं सोचूं के
 तू खुद ने
 बांध राख्यौ है
 एक छोटी सी सीमा में।
 म्हने लागै
 के धन चाहिजै
 खुलीपण अर सुतन्तरता
 पण थारै काळजै
 वा हिम्मत नीं है
 जकी तोड़ सकै
 थारै खुद रा
 गांथ्योड़ा वधन।
 तू आपोआप खींची है
 आपरै ही ध्यासमेर
 लाम्बी लिछमण रेखा
 अर इण रेखा. में
 रावण नो क्या
 राम भी नीं आ सकै।
 तूं म्हारै सूं उम्मीद मत राख।
 जद तू आप ही
 पग नीं उटादै

तो मैं किण तरै लांघू
थारी सीमावां ।
म्हारी यात मान
एक मिनख साइनै
कांच सामीं जा
अर देख, निरख
के तू यो नीं है
जकी तू
खुद ने जाणें, समझै ।

नैणां में तिरै सुपना

मरै द्वियै जियै रै
आसै पासै
भणभणावै
महारा सुपना
महारी इच्छाया ।
महारी आख्या रै
पाणी मे तिरना सुपना
कटे हूय जायै
कटे तिरना दासै ।
इसा सुपना
भका
काल रै नावडै सुं
वदंग हुयोडै
कपडै ज्युं
कालजियै में
उठण आळी
काली पीळी आंधी में
फगत लैगयै
उड नौ सकै
तणीं रू
वध्योड़ा हुवण रै कारण ।
नैणां री पाणी
देवतो धैवतो
कटे न कटे तो सूखै ईज
अर सुपना हुय जावै

सूखो खेलरौ
वण्योड़ा सुपना ने
कदे न कटे
उडा'ग ले जावै
तेज पून गै लैगका
आग्रै सागै
ना जाणे कटै
किण ठौड़?

पगलिया

घूमती घूमती
निकळ'र आयग्यो हूं
गांव सूं खासी दूर
धस्तै पगां सुं
दोरी दोरी चालती
न जाणें
काई सोध रह्यां हूं ।
घालतै चालतै
अचाणचक
ठण रेत में
म्हारा पग क्युं थमग्या
म्हें मुड'र देख्यो
खासी दूर
जठै ताई निजर आवै
धटै सूं ले'र
अठै ताई
रेत रै समदर पर
मण्ड्योड़ा दीखी
म्हनें म्हारा पगलिया ।
अचाणचक
निजरां ऊपर गई
आभौ है, पण वो
आसमानी नीं है
गोनलिया आभीं
गोनलिया धरती ।

इण दोनां रै विचालै
 फगत भैं, और कोई नीं
 दूर दूर
 ठेठ ताई दीखै
 गेत री समदग
 मिनख गी इच्छावां ज्युं
 फेल्योडी रेत।
 भूली चाल पट्टयौ हूं
 कीं सोच'र
 पगां रै वै हों
 गैनाणां भायै
 जका मण्ड्या का
 आयनै बखत।

आ बीमारी नी है

मैं नो जानूं
के तळाव रे सङ्गोड़ै
अर गिन्दलै पांणी में
की धखत
लैरायतै रैयण सूं
म्हानै क्यूं लागै
के जाणें सौ की पा लियी हुवै
अर ठा नी क्यूं
इयां लागै
के विरखा में भीजर
म्हे कर रह्या हां निभाय
माइतां री
किणी परम्परा री।
अवै सामत आप जाणसौ
के आ कोई
दिमागी बीमारी है
नई सा आप गलत जान्यो
म्हे पूरी सावचेती में करां आ बात
क्यूं के म्हे करणी चायां
विरखा अर तळाव रे
हुवणी ने सारयक।
आप नी मानौला

के म्हे तळाव ३ तळे में
 वार वार जाय'र सोघा वो
 जकौ वटै नी है
 अर हुय भी नी सकै।
 या विरखा में भीज'र
 म्कानै वो आनन्द आवै
 जकौ स्टैनलेस स्टील ३
 फव्यारै में
 आवणी चाहिजै
 वो मी'ज फव्यारी
 जकै ने आपरै
 न्हावण घर में लगावण री हिम्मत
 नी जुटा पायी है
 म्कां मां सू
 कोई भी ओजू ताई।
 आप ठीक कैवो
 के सूगळे पाणी सू
 खाज खुजळी
 पचिया फोड़ा हुय सकै
 अर तळाव में तो
 किण 'चीज' री कमी हुवै?
 आप री घात सिर माथै
 के घर री पाणी हुवै
 सांतरी, निरमळ
 अर निरोग
 साथै ही मीठी भी
 पण हर रोज नी तो
 कदे कदास

वण जावै
म्हारी कमजोरी ।
अरदास है
बुरी ना मान्या
म्हे विरखा में भीजसां
तळाव में न्हांसा
बस ।

जिनावर

म्हारै हाथां री ताकत
भेळी हुय
जाय वसी
म्हारै माथै में
अर उछाळा मारै
घड़ी घड़ी, छिण छिण
घठीठा आवै
दिमाग री नाइयां ने
आपरी ताकत
अजमावण सारु।

म्हारी सोच रै
आसै पासै
घेरा घालै
केई काळा माछर
कानां री फेरी काढ़ती
माख्यां री
भणभणाट ने
अणसुणौ करणौ घायूं
पण कर नीं पायूं।

म्हारी दिमागी ताकत में
लपटीजियोड़ा
केई ऊंदरा
म्हारै आदरसां

म्हारै असूलां
 म्हारी सम्मता
 म्हारी संस्कृति
 अर म्हारै मिनखापणै री
 इमारतां री नीवां ने
 आपरै तीखै पंजां सुं
 कर देवै पोलीफस
 खोखली
 अर कदे, जद
 पड़ जावै
 वै इमारतां
 भरभराय
 उण दखत, म्हैं मिनख
 वण जायूं हूँ
 मिनख दाई
 दीखण आळी
 एक जिनायर।

खुद ने देखणौ

अयै आँख्यां ने
देखण खातर
दरकार नी है
किणी चीज यस्त री।
जद भी उण ने
कीं मन भायणौ
नी दीखसी तो
घा जाणें है
के उण रै आप रै मांय भी तो
धस्योड़ी है एक दुनिया
उण री आप री संसार।
घा उण ने ही'ज देखैला
घा जाणै के
सं सं छड़ी कर देयण आळी हुवै
खुद में उत्तर'र
खुद ने देखणौ।

साच

राच
कीं ठा क्यू हुये
इतरौ भयानक
अर डरायणी
किणी जंगळी
जिनायर री भांत
निरदयी अर भिनख छायणी।
म्हारै लारै तो
खास तौर सूं लागोड़ी है
उण वखत सूं
जद सूं म्हारी
घोट लागण लाग्यो।

हाथ लाम्ही जीभ काढ़
दौड़ती आवै
आपरै पंजा ने खुजळावती
म्हारै खानी
जाणै के म्हनै
पकड़ ई लेसी
पण म्हेँ
म्हेँ कटे कम हूँ
म्हेँ तो हवा में उडणौ भी जाणूं
म्हेँ तो छेड़ू उणने
सांची कैयूं
वड़ी मजी आवै

उण री नकल्यां कगण में।

यो गरीब दासियै आळै ज्यूं
देखै मनै, पण फेर
रीस खाय
हाथ पग पटकती
फूँफाड़ा करती
निवळी होय देखै
आपो आप ने, पूरी
ऊपर खुं लेय'र नेटै ताई।
साच, जिण री आपा यात कर रह्या हा।
उण रै पग हुवै
फगत पग
अर मैं उड'र छोड़ सकूं
उण ने घणौ ई लारे के वो
कदे नीं पकड़ सकै मनै
अर, ओ ई तो है
सयसूं थडी साच।

कूण है बो

आपरे ही'ज
च्याखमेर
धूमती बिना रुक्यां
अर, खुद ने ही'ज
देखती
अंजाणी निजरां सूं
इयां लागे के
खुद सूं ही करती हुये
जाण पिछाण ।
रस्ते धैयती धैयती
रुक जावती
झटके सूं
घमगूंगी हुयोड़ी ।
कदे देखी
ऊँची इमारतां
कदे उडता हवाई जहाज
काळी दराख सड़क्यां .
अर कदे
हवा रे लैरके ज्यूं
आयती जावती
मोटरो गाड्यां
आभे उडता
चिड़ी कागला कवूतर
खंख अर धूवे सूं
न्हावता खंख
अर राम जाणे कांई कांई

सौ की देखर
वो देखै
आपो आप ने
उलझयोड़ी निजरां सूं
केई ताळ ताई।
फेर चालण लागै
आप रै मारग
यो मिनख कूण है?
मै, तू, वो
या आपां सव।

थारौ सांच

थारी हरेक ने
नापण री कोसिस
घटावै है कद
थारौ खुद री।

थारी ऊँचाई पर
जायण री
विना सींग पूछ री इच्छा
थनै लाय पटकै
ठेठ रसातल में।

थारी ज्ञान वधारण री
अणमांवाती बायड़
धनै दरसावै
परलै दरजै री मूरख।

थारी 'साधू' बणन री चाल
पड़ै क्रमेस ऊँधी
अर तू रैय जावै
फगत एक विलांद।

‘कूण?’

जीवन रै हरेक छिण ने
निरखता थकां
अर कदे कदे
खुद ने परखतां थकां
की दया रा भाय उपजै
अपणै आप सारु ।

कदे जीव हुळसै
के आपां जी रह्यां हां
कदे उटै टीस
के आपां तो
छिण छिण मर रह्या हां ।

आभी घुपचाप
गूंगी हुयोड़ी
धरती, घोर निजरां सूं देखती
के सायत उण ने
टा नी पड़ै
पण दोनां रै विचाळै
नाग आळै ज्यूं
फण फैलायोड़ी
एक सवाल
एक आडी
‘कूण?’
मैं मींचली म्हारी आँख्यां
म्हारै सूं नी देखीजै

ओ डरावणी दरसाव ।
 की ताळ पछे
 म्हारै कानां में
 गूंजण लाग जावै
 घणी जोर जोर सूं
 वो ई'ज भयानक प्रश्न
 कूण? कूण? कूण?
 प्रश्न अर उत्तर
 आपस में करै घमसाण
 की देर ताई
 बाधेड़ी करतां करतां
 अघाणघक
 घोर'र निकळ जावै
 म्हारी काळजी ।
 म्हैं ओजूं ताई
 संभाळ रहीं हूँ
 म्हारा जखम
 म्हारा घाव ।

क्यूं घणायौ मिनख

हे परमात्मा
थनै आ काई सूझी?
क्यूं घणा न्हांख्यौ
तू मनै एक मिनख ।
जे थनै कीं न कीं
घणाणौ जखरी ही ही
तो तू मनै
वजाय मिनख रै
घणा देती
एक पत्थर
एक भाटी ।
तू नी जाणें
इण संसार में
भाटी हुयर रैवण सूं
कीं घणौ ओखी है
मिनख हुय'र जीवणी ।
जे म्हें भाटी हुयती
तो म्हारै खं खं में
दरद नीं वैंवती
अर नीं ही
म्हारी पोर पोर में
फूटती पीड
भलां ई भारग में पड़्यौ
खावती ठोकरां
पण, मिनख वण'र
आपरै हेताळुवां री

टोकरां री दरद
कीं घणीं जानलेवा हुवै।

भाटीं वणंग भी
जे भाग कीं ठीकठाक हुंवता
तो किणी कलाकार रै
हाथ लाग जायती
अर म्मनै भी मिल जायती
थारै दांई
राम या किसन जी री
उणिपारौ।

अर नीं भी वणती भगवान
तो भी सुखां रै हेठै
उण रै हेत री
छिया तो मिल जायती।

पण, नीं भगवान
ओ काम तू कांई करूयी?
म्मनै मिनख वणा दियी
धनै ना सही
म्मनै घणीं अफतोस है।

आस्था

कदे कदे
मिलण लाग जायै
म्हारी आस्था री इमारतां
हर उण घटना रै पछै
जकी म्हारै नीं चायतै भी घटी।

म्हारी आस्था
निबळी कोनी
सयळ रै
इणीं चायत वा चायै
के यो ई हुयणीं चातिजै
जकौं वा चायै।
पण हुयै यो भीज
जकौं हुयणीं है
अर भीणी ने
ना भैं टाळ सकूं
ना म्हारी आस्था
चायै, वा कितरी भी
सयळ क्यूं ना हुयी।

रचाव

कदे कदे
म्हारै मांय री मांय
कीं मथीजै
घुटीजै, अर लागै
के जाणें म्हेँ
म्हेँ नीं हूँ।
म्हारै रगत में
आयण लाग जावै
कीं गरमास
अर म्हेँ भूल जाऊँ
के म्हेँ कूण हूँ
आप कूण हो?
म्हारी खं खं
खड़ी होय झिझोड़ै
म्हारी आत्मा ने
म्हारै मन रै मांय
मचै जोर री हाकी।
कीं ताळ पछै
डील रै मांय री
अफरातफरी हुवण लागै
कीं कीं सावळ
म्हने लागै के ठण्डी ठण्डी
मघरी मघरी पून
वैवण लाग रैयी है

मगरे काळजे माय ।
रौ की हुय जाने
सायळ, पैला गिरा
अर भै
कागद कलम ले
बैठ जाऊं
की न की रथाय राग ।

आखर लीला

म्हारी डायरी में
म्हारै हाथां सूं
विद्ययोडा
आखरां में
कदे कदे
म्हनै दीखै
म्हारी खुद री उणियारी ।

कदे कदे
जद आसै पासै
कोई नीं हुवै
तो म्हारै
गीतां अर कवितायां रा
सवद
खूटा तोड़ाय
वारै आय
हवा में तिरण लाग जावै ।

म्हारै कमरै में
आखर ही आखर
जाणें
गोठ मनावण ने
भेळा हुया हुवै
मात्रावां अर व्याकरण रै
छन्द अर 'मीटर' रै
बंधन सू

मुगत होय
सुतन्तरता सूं
आखर
खूब गफड घालै
नाचै हरै
अग खेलै
लुकमीचणी
भारै ऊपर ।

जोर जोर सूं
जाण बूझ
वेसुरा होय गावै
उणी'ज गीतां ने
जिण सूं
वै निकळया है ।

मुट्ठी भर उजियाळी (१)

निजरां सूं कीं कैयणी
मूण्डै सूं कीं
कैयण सूं घती हुये
असरदार
मैं सीखग्यौ।
मैं जाणग्यौ
के रात रै अंधारै में
न्यायोड़ी धरती
जे चंदरमा सूं मांग लेयै
मुट्ठी भर उजियाळी
तो चंदरमा
मूण्डौ फेर'र खिसक जायै
अर घणी वार
यो ई चंदरमा
दिन थकै ई आय धमकै
धरती री छाती पर
अणमायती
उजियाळी ले'र।

मुट्ठी भर उजियाळी (२)

तू आय पाछी
थारि जाणें सूं
म्हने लाखाये कीं खाली खाली
थारो ढरसी रे ठ्ठाकें मांय
म्हने सुणीजता
जिनगाणी रा गीत
थारो म्हारें खने
आवणो लागतो जाणें
पृथ्वी काढ रेयो हुये
सृज रे फेरी
अर दिन रात रो वणनीं
जाणे थारें कारण मी
हुय रेयो म्हे ।
थारें सामीं
घणीं घार भरीजी
म्हारी आंख्यां
म्हारें उण हेत रा
कीं छंटा तो लाग्या हुसी थारें
जको निकळ्यो हो
म्हारी आंख्यां सूं ।
तू म्हने याद नीं आवे
क्युं के तू म्हने
याद ईज रेवै ।
तू वणजा
गोळ मटोळ फूठरी सो

चंदरमा

अर म्हारै डागळै रै

ऊपर आय'र

थारै अपार खजानै सुं

म्हणै दे जा फगत

मुट्ठी भर उजियाळी ।

मुट्ठी भर उजियाळी (३)

घुण अंधारै में
डूव्यौ एक सैर
ताकतौ उम्मीद सूं
आभै खांनी
सोधतो
आपरै खातर
कोई सूरज।

याथा आदम रै जुग री
वूछी हमारतां री
भीत्यां री सेर्यां में
ऊग्योड़ा
आक रा पौधा
अडीकै भीत्यां रै
और फाटण ने।

निजर बघाय
खिसकणी री फिराक में
चंदरमा
देय जावै
मुट्ठी भर उजियाळी।

अधाणचक
चुंधियाय जावै
अंधारै सैर री आँख्या
हडयड़ा जावै
सूरज सूरज करतौ सैर।

शिव या शव

म्हारी आत्मा
तू म्हनै
सुण सकै तो सुण
मैं एक डील हूँ।
धारौ अर म्हारौ नातौ
इण सिस्टी सुं भी
की पैला री है
पण ठा नीं क्यूं
तू बढ़ती रैवै
थारो खोळियी
बार बार
घणी बार, अर
खिड़क्यां पर रै जावै
धारै हाथां सुं भाण्ड्योड़ा
यीं शरीरां रा नांव
बढै, सायत मैं कोनी
अर हुयणौ भी नीं चावूं।
मैं तो फगत
आ चावूं
के तू म्हारै मांय
कविता बण'र
म्हारी नस नस में वैव
अर स्वर बण'र
म्हारे खं खं में गूंज।
म्हारी आत्मा
अबकी बार मत होईजे

अळगी थारै
 इण शरीर सूं
 तू तो जाणें ई'ज है
 के आत्मा-शरीर मिलै
 तो वणै एक शिव।
 आत्मा अर शरीर
 जद हुय जावै
 एक दूजै सूं दूर
 तो वणै शय।
 अवै तू ही सोच
 तू म्हनै की रूप में
 देखणी चावै?
 शिव या शय

तू अर मैं

कदे कदे
तू लागै है म्हने
धीज गणित रै
किणी उलझयोड़ै
सवाल री भांत
जिण ने मैं
घणी ताळ सूं कर रह्यौ हूँ
सुळझायण री कोशिश।

कदे कदे
तू लागै है म्हने
किणी अणजाणी भासा रै
एक सयद री भांत
अर मैं
मैं सुनसान
अर सरणाऽ पुस्तकालय में
किताब्यां र ठेर में वैठ्यौ
रोध रह्यौ हूँ थारी अरथ।

कदे कदे
तू लागै है म्हने
एक उफणतै समदर री
एक लैर री भांत
अर मैं एक किनारी
कणै तू म्हारै
घणी नैझी
कणै ई खारसी दूर।

तू आभी

तू एक अजाना ली
मातलस आभी
घणौ लगदी नमदी
अणुगो पैग्यास निचोदी
जलीने देखा
बटीने तू, फगन तू
भौ घने देख देख
मगगो अणुभी
आज भी हुये
घणौ दगगज
के हतरी बनी नीज ने
बणावण आळी
आप किनगी बनी हुती
कुण जाने?

आँख्याँ सूं छळकै ७

हेत किणी री
वण के पाणी
आँख्याँ सूं छळकै ।
नैणां रा सुपना
मुरझावै
जागै रास्यां
नीद न आवै
याद किणी री
आँसू वण के
आँख्याँ सूं छळकै ।
दुखती मन अर
थकती काया
धीप्पा दिन क्यूं
फेर न आया
दात किणी री
वण के पाणी
आँख्याँ सूं छळकै ।
सरणाटी सव
ओर लखावै
मन ने कोई
चीज न भावै
दूर किणी सूं
हुवगै री दुख
आँख्याँ सूं छळकै ।

थारी ओळूं आवै

म्हारै मन म मीन
मारी दिग
मारी आत्मा पर
मुगां मुगां मदि
मग्गुमोदी मरती
धारा मोल
धारी घात
थारी रोग
थारी साथ
मैं घरता घरता भूल नी पाउंला
अर जद जद भी
दण दुनिया में आउंला
महारै रघुमोदा गीत
थारै मन में जरर गुंजाउंला ।
महारै अन्तरा रा उजारा
जद भनै थारी ओळूं आवै
तो मारै नैणां सूं छळकै जळ
अर मन में हुवै
कसमसाट
थारै सूं मिलणै रो
उण दखत मन ने
समझावण सारा
उठा उठा'र देखूं

थारी सैनाण्या

थारी निशाण्यां

अर होठां खूं लगा लू

उण सव ने

एक एक कर ।

मिलाप

म जाने कबू?
 मैं काफ़ी भुग मैं जाऊँ ?
 छने अकार लाई
 धारी करछाई
 झारी छाया लगा
 झारे लारे लारे हैदे ।

धने देखण तु
 झने मिने
 एण रागता
 दिन भाई दिन
 धिकायण राख ।

तू नीं मानेला
 मैं रागी कोनी
 अरणे आय तु
 मैं खुद ने देखू गजा
 धारे तु रखणी नी

तू नैणा में
 गैराई ले
 धरती पर थाली
 मैं आँखयां में
 ऊँचाई लेग अगंभ म उदू ।
 यणी लाम्बी फारली है
 धारे अर झारे गिचाई

तू नीं छोड़ सकै
आपरी जमीन
ना उतर सकूं म्है
म्हारै आसमान सूं नीचै ।
पण हण में
पछतावै री बात कोनी
आपां दोनूं जाणा
के जमीन आसमान
री मिलाण
कटे नीं होवै ।

आर्ट

मैं नाश खेलणों
नीं जाणू, पण
चां रै लार्गे मण्ड्योडा
रंग विरंगा फोट
मनै घणा भावै।
मनै टा नीं पदे
के कृण है यादशाह
कृण वेगम
कृण है चिडी
अर किरतौ ओकर।
पण, एक यात है
ताश गै घर मैं
सांतरी घणावू
सगळा पत्ता जोड'र
ऊँची घर।
घर में सय रै सागै
यादशाह अर
वेगम भी हुवै
पण फेर भी
ओ घर
हवा रै एक ही'ज
लैरकै सूं
खड़खड़ाय
आय पडै नीचै
अर विखर जावै
सगळा पत्ता
लोप हुय जावै

बादशाह अर वीं रीं महल ।
पत्ता रीं ढिगली
म्हारै आंगणै में
दिखर जावै बेतरतीव
इयां लागै जाणें
कैनवास माथै
ऊंधी-सूंवी
आडी-तिरछी
बुरस मार'र
वणायोडीं हुचै कोई
'मॉडर्न आर्ट' रीं नमूना ।

सतरंगी काया

गती हुयोडी आख्यां
पीळी हुळक मूंडी
वखत रूं पैली
काळारती गमायोडा
घोळा केरा
घामडी रै मांय रूं
झाकौ घालती
हरी टांच नाट्यां
आख्यां नीचे फैल्योडी
वैगणी अमृजी
अर डोळां रै
आसै पारै तिरता
गुलाबी डोग
ऐडै गैडै लैगयती
काळमस
म्हें मानग्यो
सांच कैवै है लोग
के जीवन है
सतरंगी इंद्रधनुष ।

आफरीज्योड़ी पून

मैं म्हारै घरा रा
वारी चाण्डा
गौखा कियाड
सै बन्द करणा चाऊं
पण कर् नी पा रह्यौ हूँ।

वारली आफरी चढ्योड़ी
पून म्हारै घर रै
धोरी मयडै रा
चूळिया हिलायि
जद आडी नी खुले तो
सेरुयां मांय कर आवै।

इण हया ने
घर में आयण सूं रोकणी
घणी जखरी है
नी तो कीं नीं वचैली
म्हारै इण भिन्दर जिसै घर में
साळ में लागोड़ी
सुरसत मां री फोदू
आय पड़ैली नीचै अर
आळै में पड़ी
दादोसा रै हाथ री
गीता अर रामायण री
हुय जासी
पानी पानी अळगी

टूट जासी आगणें मं
 लागोडी तुळणी ज्ञां गं
 नान्को सो पाँची
 बुझ जासी मिन्दर मं
 ठाकुर जी गै दीपक
 उचड जासी
 म्मारें तन ग गाभा
 हया रै रायै आयादी छत्र मं
 पिटाण कियां करगु
 म्मै म्कारी मां, दैन
 वेटी, भाई अर जीरा गं

लोप हुय जासी
 घर नी मै'री शांति
 इण विकराल हया है आणी गुं
 जर्का जीसा है
 मिन्दर में रोज
 पाठ रणै सुं धर्पीजी है।
 ओजूं ताई
 भचीदे है हया
 म्कारा बाण्डा पूरै वेग सु
 पण म्मनै
 दचाणी है म्कारी घर
 ई पून रै हमलै सुं
 दचाणी है
 घर री मान मग्जाद।

सुभाव

'जलम देय'र
वडौ करणी
अर फेर काट देयणौ
या पगां सूं किचरणौ
मिनख रौ
ओ ई सुभाव
उण ने बणावै
सै जीवा सूं अळगौ'

वाग री नान्ही दूव
रोवती, गरळांवती
इतरौ कैयी ई'ज हौ के
अचाणचक
एक पग
उण रौ कचरौ काढ़
आगै बधग्यो
दूव वापड़ी
अवै नीं रैयी
रोवण जोगी भी ।

पाणी अर पत्थर

जद कदे भी देखूं हूं
म्हारै गांव री पाळ पर पडिया
ऊँधा-सीधा
आडा-तिरछा भाटा ने
जिण री एक दूजै सूं
कीं रिशतौ
कोई जुड़ाव
जोया नीं लाधै ।

पाणी री एक बूद पर
दूजी बंद न्हांखी
दोनूं रिळमिळर
वणगी पाणी री
एक नूवी बूद ।

कदे कदे सोचूं
पाणी री टोपे ज्यूं
भाटै ने भी आवतौ
रिळमिळर एक हुवणी तो
किनरी आछी हुवतौ ।

बदलाव

म्हारै बाग रा फूल
लारलै लाम्बै बखत सूं
फगत खिलण री
लीक पीट रह्या है।

म्हारै बाग में
आजकल
काची कळ्यां नीं हुवै
डाळी सूं निकळै
पूरी री पूरी फूल।

अठै रा
'सूरजमुखी अबै
सूरज रै
आणै जाणै री
'टेशन' नीं पाळै।

अठै री
छुई मुई री तो
कैवणौ ही क्या
इण ने छूवी तो छूवी
दोनूं हाथां सूं झाललो
या शरम सूं
भेळी नीं हुवै।

बदलाव

म्हारै बाग रा फूल
लारलै लाम्बै बखत सूं
फगत खिलण री
लीक पीट रह्या है।

म्हारै बाग में
आजकल
काची कळ्यां नीं हुवै
डाळी सूं निकळै
पूरै री पूरै फूल।

अठै रा
सूरजमुखी अवै
सूरज रै
आणै जाणै री
'टेशन' नीं पाळै।

अठै री
छुई मुई री तो
कैयणीं ही क्या
इण ने छूवी तो छूवी
दोनूं हाथां सूं झाललो
वा शरम सूं
मेळी नीं हुवै।

भंवरे गै गूजणी
 अर कोयल री कूक
 जाणें चीसादुया वणगी है।
 मँ नित री देखूं
 के हरेक दिरखत
 आपरी जड़ा
 फैलावण सारु
 लागोडी है
 धूजां री जडा काटण में।
 दिनूगै
 चिड़्यां, कमेड़्यां
 मोर पपैयां ने
 नीं वच्यी है
 फालतू यखत
 मोर री सुयागत करण खातर।
 म्हारौ मन कळपीजै
 विना खसवू रा फूल देख
 अळसीजियोडी पत्यां देख
 हर डाळी ने आपरै मायं
 मस्त देख
 पीळै पत्तां रा हौंसला
 पस्त देख।
 म्हारौ जी धमटीजै
 कोयल री
 मांग लायोडी बोली सूं
 म्हें राजी कोनी
 उधार लायोडी
 हरियाळी सूं
 म्हनै दाय नी आवै
 हर डाळी री

खुद ने
पूरी पेड़ समझणी
ठीक नीं लागै
म्हने वेल्यां री
विना नीचै देख्यां
ऊपर चढ़णी।
म्हने घणी
घणी अखरै
वाग में
हरेक री
आप मत्तै चालणी।

जूता

फेंक दिया है उठार
घर है पिछोके में
कचरे है सागै
वै काळिया जूता
जका काल ताई
पगां सूं भी
चेरी कीमती ना
घमघम करता
आँखें में धरीजता
जतनां सूं
आज वै चेकार है
कचरी है
आपरी सौं कीं
दे चुकणै है थाद ।

चानणो

घणी ताल जद
अंधारै मारग
कोई नीं आयी
तो झूंपड़ी रै आगै
लटक्योई
लालटेण ने लखायी
'म्हें बेकार में ही
तेज पून सूं
माथी लगाऊ
अडीनै कोई नीं आवै
किण ने रस्ती दिखाऊं
जकी भी इण जंगल
आधी रात में आवैला
उण रै मन में
चानणो तो
पैली सूं ही हुवैला'
हवा री लैरकी आयी
घप्प.....
लालटेण बुझग्यी ।

की चितराम

कदे कदे
जीवन में आवै
इण भांत रा दिन
जद लागि
के जाणें
राम जी ले रह्या हुवै
सीता माँ री
अगन परीक्षा
धार-धार ।

धन में तिरसौ मिरग
पाणी सोधती सोधती
निढ़ाळ होय
इसी पडै
के फेर वो
कदे नीं सोधै पाणी ।

भोरान भोर
मजूरी खातर
निसरूयी मिनख
सिंज्या ने पूटी आवै
जूत्यां ने आधी कर'र
अर सोय जावै
पाणी रौ गुटकौ पीर'र
दूजै दिन रौ आस पर ।

झूंपड़ी में
माँचै पर पड़्यौ
ताव सूं वळतौ डील
दवायां ने
अडीकतौ अडीकतौ
छोड़ जावै
ओ नश्वर संसार।

कच्ची वस्ती में
लीरिया पूरिया बांध'र
पणायोड़ौ एक टापरी
खाडा कोचरां सूं निसरतौ
झूलड़ी रौ धूंयौ
अर, काटीजियोडै टीण री
छजवाळ माथै पड़ियै
रेडियै सूं वाजतौ गीत
'इक वंगला वने न्यारा'।

‘हटके’

म्हारे बखत रा लोग
एढ्योड़ा लिख्योड़ा
डेढ़ हुसियार
सय रा सय
थणना चावै
भीड़ सू न्यारा
करणी चावै
‘कुछ हटके’
मैं पैट्यो हूँ
एक पुस्तकालय में
इत्तां मिनख्यां थकै
पसइयोड़ी है
सचेत सरणाटो।
सय वांच रह्या है
बिना छपीं
सादि कागदां री
किताय्यां
बड़े मन चित्त सू।

अहिंसा

संसद रै बार
लाग्योड़ी
गांधी दुख
अर महावीर री
भूरत्पां देवै
अहिंसा री संदेश ।

सदन रै मांय
जाणै रै घाद
कीं भी करसका आपां
कुण देखै?

म्हने जावण दे

जावण दे म्हने पूठी
कठेई गूंगी अर बोळी नों कर देये
म्हारी संवेदनावां ने
अठे री चीखती जिनगाणी
कठे मिटा नों देये
म्हारै मन री धड़कन ने
अठे री कानफाडू
दीङ्गती भागती हाकौ
कठे म्हूँ भी एक
मसीन यण'र नों रैय जावूँ
धारै इण मसीनी रौर मांय।

जावण दे म्हने
म्हें धनै
बटे नों लेय जावूँला।
क्यूँ के बटे री
भारतीय रूप
धनै गंवार लागसी
खेतां में बैवती
अलमस्त पून
धनै दाय नों आवैला
बटे री सोनलिया झांझरकौ,
मतवाली भोर
धनै निठल्ली जीवन री

ऐसास करावैला
और तो और
दोपारि नीमडै री छियां में
धनै बाजरी री रोटी
अर कांदा
दाय नी आवैला ।

तू अठै री है
अठै री ही रै
बडै थारै कानां में
'एफ. एम' पर बाजती
'पीप' अर 'रैप'
'घी' अर 'एम टी.वी.' री हुल्लाड़
नी पड़सी तो जाणै
थारै तो
जीवणी ही कीयां हुसी ।

कम्प्यूटर री वेवसाइट
अणगिण गाइयां री
रेलमपेल बिना
धनै जीवन बेकार लागसी ।
नी भायला
तू अठै ही रै
अर म्हनै जायण दे ।

जे म्है अठै रैयौ तो
वेद्यणी पड़सी
म्हनै म्हारी आत्मा
भूलणी पड़सी
म्हनै म्हारी संस्कृति
नोचणा पड़सी
सैंग रिश्तां नातां रा अरथ
ताक पर राखणी पड़सी

मनै म्हारौ मिनखापणी
अर वोल्णी पड़सी
उधार री वोली
वणनी पड़सी
एक जीवतौ जागती भाठी ।
ना भायला
मैं अटै रैवण री
इत्ती मोटी रकम
नीं चुका सकूं ।
मैं जा रह्यौ हूँ
म्हारे गांव ।

म्हारौ गांव

कितरो सोवणी
अर मन भावणी लागे
भीरान भीर
मौं री आंगण बुहारणी
अर भाभीसा री
तुळसी सींचते सींचते
मधरै मधरै सुर में
भजन गायणी ।
घणी आछी लागे
सानी खावतां
बलधां रै गळे री
नान्ही नान्ही घंट्यां री बाजणी
अर दुहारी खातर तयार
गायां री रंभावणी
फितरी मीठी लागे
बकरूयां अर मेमनां री
मिमियाती बोली
अर पिणघट माथे
हथ्याई करती
छोरूयां री हंसी
अर वां रै

मूण्डै सू रचीजती
जीयन री अनलिखी काण्यां
गांव री इण भोर' ने
भोर रै चितराम ने देखी
देखी अर जीवी।

गांव ही रैवै

राम करै
म्हारी गांव
गांव ही रैवै ।

खेतां में धान रैवै
ममता री मान रैवै
अलगूजा गूँजै तो
झोटां में तान रैवै ।
वापू री ग्याड़ी री
पंचां में मान रैवै

राम करै
म्हारी गांव
गांव ही रैवै ।

गवरल सी भाभी
ईसर ता भैया
वाखळ में बैल भैंस
ऊँट और गैया
जेठ री दुपहरियां में
पीपळ री छांव रैवै

राम करै
म्हारी गांव
गांव ही रैवै ।

म्हारौ सैर

म्हारलै सैर में
धरम रै नांव
लोई नीं बैवाइजै
हंसता खेलता घर
नीं उजाड़ीजै ।

म्हारै सैर में
हया में गूंगती अजान
अर तिरता भजन
अडीक राखै
एक दूसरै री
अर कदे कदे तो
रिळमिळ'र हुय जावै
एकाकार ।

म्हे सिंग्या री
अजान सुण'र करां
मिन्दर में दीया बत्ती ।
माथै ने खाली कर'र
आ कदे
म्हारलै सैर ।

खांचा

एक खांचादार
मोटी अलमारी ज्यूं
हुवती जाय रैयी है
म्हारी सैर।

हर आदमी
वड़ थड़'र बैठ रह्यो है
आप आप रै खांचे मांय
आ सोच'र
के अवै नीं निकलणी है
म्हने म्हारे
खांचे ने छोड़'र।

म्हने लखावे
खांचा में बैठां मिनखा रै
मन में भी
पड़ रह्या है
सायत केई खांचा।

दिन अर रात्यां

धीतै दिन अर वीतै रात्यां
कुण पूछै मनई री यात्यां ।

मन फंस जावै मकड जाल में
छूव करै तड़फातोड़ी
पल पल छिण छिण घटै जिन्दगी
सांस घटै थोड़ी थोड़ी

डरूँ फरूँ सा दिन हुय जावै
हांफीज्योड़ी सूवै रात्यां ।

ओजीसाळी अयखायां री
उम्मीदां जद ठोकर खावै
पलक्यां जिण री करै बगावत
उण ओछ्यां ने नींद न आवै

काळूँटी सो दिन लागै अर
धीळी धीळी लागै रात्यां ।

धैरी बणै बदन री कपड़ी
जाण बूझ पग टेढ़ा चालै
करै आंगळ्यां आ कुचमादी
खुद री काया गोभा घालै

पीडा भोगी दिन हुय जावै
भरै सिसकती नित री रात्यां ।

पखेरु

उडती पखेरु आसमान में
तिणका चूंच दवाए
नीड़ वणावूं आभै ऊपर
आगे बघती जाए।

छ्याखैं दिशावां खुली हुई है।
किण ने जाऊँ
समझ न आए
सोचै है पण, रखै नहीं वो
उडती पंख फैलाए।

मन में जोश लैरका लेवै
आँख्यां में कीं
सुपना तैरे
पून रै सागै ऊँचाई पर
उडती आस लगाए।

नीं सीख्यौ थकणी अर थमणी
बाधा आए
चलती जाए
बिना थक्यां पंछीड़ी धालै
रात हुवै दिन आए।

चाल मुसाफिर

चाल मुसाफिर मारग खोजां
सोच मती तू रुकणै की
आगै वध जा पीछे मत मुड़
वात मती कर थमणै की।

हिरदै में विश्वास थरपलै
कुछ ना कुछ तो पाणौ है
जग में ईश्वर भेज्या है तो
कुछ ना कुछ कर जाणौ है
मन में इच्छावां पैदा कर
सोच बहुत कुछ करणै की।

चाल मुसाफिर मारग खोजां
रस्तै बीच रुकावट आसी
बाधा आसी पग पग में
दिन कुछ करियां गया जगत सूं
तो क्यूं आया हण जग में
जद तक धारी ठीड न आवै
सोच मती तू थमणै की।

चाल मुसाफिर मारग खोजां
तेज पून सूं लडै है दिवली
फेर भी यो हारै कोनी
जकै काळजै हिम्मत होवै
यो अवखायाँ धारै कोनी
तू दिवली वण मिटा अंधेरौ
सोच मती तू बुझणै की।
आगै वध जा पीछे मत मुड़
वात मती कर थमणै की।

फौजी

सात सलामां उण माता ने
जिण फौजीने जायौ
एक शहीद री कथा सुणी तो
आँख में पाणी आयौ।

घर में शादी व्यांव हुयी चाये
नूर्यी वीनणी आवै
घर रा रिश्ता राख किनारै
सीमा पर डट जावै।

फौजी भूलै भूख प्यास ने
मन में नहीं कोई इच्छा
ओ तन इण धरती ने देवू
करै देश री रक्षा।

आगै बधती कदम बढ़ाती
सिंह सरीखी गाजै
दुश्मन अपना ढोला पिटवा
भेळा कर कर भाजै।

राई जितरी धरती खातर
तन रूँ लोई बैयावै
हाथां में ऋथगोळी ले
दुश्मन खांनी बघ जावै।

दुश्मी री सजियोडी सेना
इक पळ में बिखरावै
शत्रु पीठ दिखावै भागै
मन ही मन धबरावै ।

गोळ्यां सूं बींधीजै काया
माता री गोदी सूवै
आँख्यां ने मीचण सूं पैली
घेटी मां ने कैवै ।

तू माता म्हें लाल हूँ थारी
जलम जलम री नातौ
नेच्ची हुंवती, बेसी थारी
सेवा म्हें कर पातौ ।

इतरी कै अर आँख्यां मीची
काम देश रै आयी
उण रै मन में ध्यावरत ही के
जलम सफळ वण पायी ।

